

[*en marge*] Ecclesia parochialis sanctae Reparatae de loco Sanctae Reparatae

Eadem die.

Praefatus dominus Ferrarius visitator qui supra (etc.).

Venit ad ecclesiam sanctae Reparatae virginis et martyris, a qua etiam locus sumit [265r] nomen et nuncupatur Sancta Reparata; fecit ibi absolutionem mortuorum, et post visitationem et adorationem sanctissimae Eucharistiae eam in pixide habente cuppam argenteam reposuit intra tabernaculum ex ligno inaurato, cui mandavit refici seram, eius vero clavem custodiri non coniunctam seu colligatam, sed separatam a caeteris clavibus sacristiae, immo vero provideri de alia clave vel inaurata vel ex aurichalco.

Vidit deinde aliam pixidem parvulam totam argenteam intra suam bursam sericeam pro deferendo sanctissimo viatico ad infirmos et etiam ostensorium argenteum, cuius lunulae mandavit subterponi laminam argenteam inauratam quae se extendat saltem ad magnitudinem lunulae.

Habet duos calices cum suis patenis habentes tantum cuppam argenteam.

Sacristia est sufficienter provisa.

Manutentio in omnibus spectat ad populum, de quo eliguntur singulis annis procuratores, [265v] quorum interest quaesturare eleemosynas, tum olei pro lampade ardente ante altare maius, tum pro emendis cereis et reliquis omnibus necessariis ad usum ecclesiae.

Visitavit in choro a cornu epistolae fenestellam, in qua conservatur oleum sanctum pro infirmis in vase stanneo. Mandavit provideri de bursa violacei coloris sericea cum cordulis similibus, et amoveri caetera quae ibi sunt intus.

Pariter vidit sacrarium a cornu epistolae altaris maioris, cui mandavit provideri de ostiolo ligneo cum sua clave.

Visitavit deinde fontem baptismalem, cuius conca est lapidea, et mandavit immisceri olea sancta chrismatis et cathecumenorum cum aqua, et suppleri etiam orationes dici solitas in sabbato sancto, et intra ciborium aptari fenestellam in qua conserventur vasa oleorum chrismatis et cathecumenorum, et in summitate ciborii provideri de cruce et de conopaeo [266r] de tela cerulei coloris.

Concam aquae lustralis mandavit amoveri de medio ecclesiae et transferri ad latus dexterum ianuae ecclesiae.

Sepulturae quae servit pro sepeliendis pueris mandavit provideri de lapide intra sex menses, sub poena arbitraria (etc.). Mandavit etiam provideri de lapide in sepultura quae est a cornu evangelii ante altare beatissimae Virginis de Rosario, eodem modo et poena (etc.).

Visitavit altare sub invocatione sancti Ioannis Baptistae de iurepatronatus de familia

quondam Ioannis Martini, cum onere faciendi celebrare missas quinquaginta annuatim, quas nunc celebrat presbyter Ioannes. Item huic altari est annexum legatum perpetuum factum a quondam Bernardino cum onere missarum centum quadraginta annuatim, et has celebrat presbyter Valentius. Item est annexum aliud legatum factum a quondam Ioanne quondam Olivi, cum onere missarum centum, quas celebrat reverendus Pasqualis.

[266v] Altare est provisum de patena et calice cum cuppa argentea et de suis corporalibus et planetis albi, rubei, viridis et violacei coloris, cum duabus albis, missali et alio parvulo pro missis defunctorum, et de palliis ac pulvinaribus cum sex tobaleis. Mandavit provideri de planeta nigri coloris et removit poenam interdicti a praedicto altare et concessit celebrare.

Visitavit altare sub invocatione sanctae Agatae virginis et martyris de iurepatronatus de familia quondam Fabiani, cum onere missarum viginti quatuor in mense, quas celebrat reverendus Bernardinus, et manutenetur ab illis de familia, ac est provisum de calice cum cuppa et patena argentea et de omnibus paramentis et aliis necessariis ad celebrandum missae. Deinde,

Visitavit altare sanctissimae Virginis sub titulo eius Nativitatis, quod manutenetur a populo. Habet aliquas planetas et alia requisita pro celebratione missarum. [267r] Mandavit calicem restaurari et provideri de tabella sacri convivii. Celebratur in eo iuxta devotionem piorum, et removit interdictum a dicto altare.

Visitavit deinde altare sanctae Catharinae virginis et martyris de iurepatronatus quondam Ambrosini et de eius familia, in quo celebrantur missae quatuor in hebdomada, quarum duas celebrat reverendus Lucianus de Antonellis et duas reverendus Ioannes de Antonellis. Calix dictus fuit missus esse ad reficiendum; habet patenam et paramenta requisita ad celebrationem missarum et manutenetur a dictis Antonellis, haeredibus dicti quondam Ambrosini. Mandavit provideri de tabella sacri convivii et illam quae nunc est in altare reddi societati sanctissimi Rosarii; et cum dictum sit procuratores seu priores confraternitatis recepisse pretium dicti sacri convivii, mandavit per reverendum dominum rectorem videri librum redditum seu rationum [267v] dictae societatis, et prout constabit de recepto pretio faciet illud reddi reverendo Luciano, et in caso quo dicta partita non constet in libro, si aliquis de prioribus seu ministris societatis fidem fecerit de venditione facta seu de pretio dictae tabellae convivii, mandet illud restitui.

Visitavit deinde altare sub invocatione sancti Michaelis archangeli de iurepatronatus quondam capitanei Fondacci et de eius familia; habet fundum seu capitale librarum bismille et de

eius redditibus debent celebrare (*lire* celebrari) tot missae. Capellanus deputatus renunciavit et patronus abest brevi reversurus, et eius munus erit facere ut celebrentur missae non dictae tempore suae absentiae.

Manutenetur altare a dictis de familia. Habet calicem cum patena et cuppa argentea et paramenta requisita, quorum custodiam habet pro interim presbyter Ioannes Dominicus.

[268r] Visitavit capellam et altare sub invocatione sanctissimae virginis Mariae de Suffragio; habet suum calicem cum cuppa tantum argentea et paramenta necessaria; manutenetur partim a procuratoribus qui eliguntur de populo ut quaestuent eleemosynas, de quibus etiam celebrantur missae pro defunctis. Tam ipsi quam priorissae Rosarii reddunt rationes de eleemosynis et de expensis coram admodum reverendo domino rectore.

Sedes confessionales sunt ad formam.

Corpus ecclesiae est pulchrum. Mandavit fenestris chori provideri de fenestris lineis.

[*en marge*] Oratorium sancti Antonii de Padua

Visitavit deinde pulchrum oratorium sub titulo sancti Antonii de Padua, cuius imago est sculpta in ligno cum imagine pueri Iesu super librum. Totum altare est venuste extractum cum columnis et ornamentis ligneis, decenter provisum de paramentis omnium colorum sericeis et auro ornatis, cum sedilibus et genuflexoriis ligneis elevatis valde pulchris pro confratribus. [268v] Mandavit cappas amoveri ab affixione clavorum et servari in capsulis ad id extractis.

Reperivit in dicto oratorio venustum calicem cum patena argentea in totum et pariter alium cum patena habentem solum cuppam argenteam.

In hoc oratorio est erecta societas sanctae Crucis. Confratres vestiunt cappam albam et habent capitula ab ordinario approbata. Non habet redditus certos, sed solas oblationes et eleemosynas confratrum et piorum.

Rector ecclesiae est admodum reverendus dominus Antonius Simon Leonius de loco Sanctae Reparatae, aetatis annorum 45 circiter; nunc abest ex causa litis.

Rectoria est de iurepatronatus dominorum de Sabellis dicti loci et bullae expediuntur coram ordinario, prout dictum fuit, quod iuspatronatus obtinuerunt a reverendis patribus de Certosa in tertiam generationem, cum onere iuxta instrumentum, ad quod (etc.). Rectoria habet de redditu scuta triginta de camera, prout asseritur bullis pontificiis.

[269r] Animae huius parochiae sunt 900 circiter et de comunione 600.

Non potuit videri inventarium bonorum nec liber de statu animarum; reliqui libri parochiales sunt ad formam.

Doctrinam christianam doceri mandavit. Nunc in absentia admodum reverendi domini rectoris inservit reverendus Angelus Felix a dicto reverendo domino rectore delegatus.

Visitavit capellam sub titulo sanctissimae Annunciatae villae Palmenti, quae est sub parochiali sanctae Reparatae, in qua celebratur aliquando ad instantiam devotorum; habet calicem cum cuppa argentea et patena. Mandavit provideri de planeta variorum colorum, in reliquis est sufficienter provisum. Curam dictae capellae habet presbyter Bernardinus.

[*en marge*] Oratorium sancti Rocchi

Visitavit oratorium et altare sub titulo sancti Rocchi in villa nuncupata A Ciglione, quae est sub parochiae [*sic*] sanctae Reparatae, et in eo non est onus celebrandi, sed solum celebratur ad instantiam alicuius devoti. Est provisum de calice cum cuppa argentea [269v] et de paramentis ad sufficientiam; et manutenetur ab incolis dictae villae, qui etiam deputant aliquem ex ipsis qui habent [*sic*] curam dicti oratorii, scilicet aperiendi et claudendi debitis temporibus.